



UNIVERSITÄTS-
BIBLIOTHEK
PADERBORN

Antiquae Lectionis Tomus ...

In Qvo XVI. Antiqua Monumenta Ad Historiam Mediae Aetatis Illustrandam,
Nunquam Edita

Canisius, Heinrich

Ingolstadii, 1601

Epistola XXIII. Sanctissimis in Christo fratribus, humilis Leuita salutem.

[urn:nbn:de:hbz:466:1-64144](https://nbn-resolving.org/urn:nbn:de:hbz:466:1-64144)

† V Viorensi-
bus.Sanctissimis in Christo fratribus,† humilis
Leuita salutem.

SEMPER pietatis vestræ religionem, ex quo scire potui, amaui; magnamq; in vestræ vnanimitatis orationibus habens fiduciam: & modò licet corpore procul positus, animo inter vos semper assistens. Quia latitudo charitatis nulla diuiditur lōginquitate, nullis clauditur terminis. Sed quò magis ardet in pectoris antro, eo latius flammam suauissimi ardoris spargere adsuescit. Sicut fons paradisum irrigans quadrifido tramite latum diffunditur in orbem: sic fons charitatis, pectus, virtutum florus pullulans, in quatuor amoris riuos deriuatur, veluti S. AVGVSTINVS in libro primo de doctrina Christiana dixit.

Cum ergò quatuor sint diligenda; vnum, quod supra nos est; alterum, quod nos sumus: tertium, quod iuxta nos est: quartum, quod intra nos est. Deus supra nos est: proximus iuxta nos est: corpus nostrum infra nos est. De secundo, & quarto nulla præcepta danda erant. Quantumlibet enim homo excidat à veritate, remanet illi dilectio sui, & dilectio corporis sui. Ideo præcepit scriptura, vt DEVS diligatur, & proximus. Nullum rerum diligendarum genus in his duobus præceptis prætermisum est. Salus verò corporis propter seruitium DEI, amanda est: & integritas animæ, in DEO diligenda est: Proximus, id est, omnis homo, propter DEVM; & super omnia DEVS diligendus est. Diliges, inquit, Dominum DEVM tuum ex toto corde tuo, & ex tota anima tua, & ex tota mente tua: & diliges proximum tuum, sicut teipsum. Omnem verò hominem, proximum esse, exemplo vulnerati, & Samaritanam discas

Matth. 5.

discamus. Nullum autem exceptum esse cui misericordiam denegetur officium, quis non videat? quando ad inimicos etiam porre&um est, eodem Domino dicente: Diligite inimicos vestros: benefacite his, qui oderunt vos. Si inimici diligendi sunt, quanto magis & fratres, qui vno oculo continentur.

Luc. 6.

Vos vero fratres sanctissimi iisdem patribus spiritali doctrina congeniti; eisdem diu pastoribus per pascua vitæ deducti; similibus regularis vitæ institutionibus edocti, pacis & concordie unanimiter diligentissime obseruate. Beati pacifici, quoniam filij DEI vocabuntur. Non sunt schismata occulte æmulationis inter vos. Quia Dominus Christus, DEVS est pacis, & charitatis. Et, qui in charitate manet, in DEO manet. Dilectio vero proximi in officio misericordie, & doctrina salutis ostenditur.

1. Ioan. 4.

Qui habet verbum DEI in corde, doceat proximum. Qui habet seculi facultatem, adiuuet proximum. Qui habet cuiuslibet ministerij scientiam, opituletur proximo. Ipso præcipiente DEO; Omnia quæcunque vultis, vt faciât vobis homines, hæc eadem & vos facite illis. Regularis vitæ obseruationem, quam statuerunt vobis sanctissimi patres, BENEDICTVS scilicet, seu reliqui patres, diligentissime custodite: quatenus cum illis æternam benedictionis mercedem mereamini. Hæc est laus vestra, iste honor vester apud homines, & retributio apud DEVM.

Nolite conformare vos seculi hominibus in vestimentorum vanitate, in ebrietatis luxuria, in iocis, lasciuiâ, in societatis petulantia: sed cum omni modestia, & pietate conuersatio vestra Deo sit amabilis, & hominibus venerabilis, sicut decet filios sanctæ matris, & monachicæ vitæ alumnos.

G 3

Vos

Vos verò qui estis patres, & pastores sanctæ congregationis, docete Regulam sancti BENEDICTI. In conuentu fratrum propria exponatur lingua, vt intelligi possit ab omnibus. Ad cuius institutionem vnusquisque suam corrigat vitam: vt quod DEO vouistis ante altare, inuiolabiliter custodiatur à vobis, dicente propheta. Vouete, & red-
Psalm. 75.
Eccles. 5.
 dite Domino DEO vestro. Displicet enim DEO infidelis promissio. Adfuescant pueri ad stare laudibus superni Regis, non vulpium fodere cauernas, non leporum fugaces sequi cursus. Discant nunc Scripturas sacras, vt ætate perfecta veniente, alios docere possint. Qui non discit in puer-
 tia, non docet in senectute.

Recogitate nobilissimum nostri temporis magistrum BEDAM Presbyterum, quale habuit in iuuentute discendi-
 studium: qualem nunc habet inter homines laudem; Mu-
 tò maiorem apud DEVM remunerationis gloriam. Illius igitur exemplo dormientes excitate animos. Magistris ad-
 fidete: aperite libros: perspicite literas: intelligite sensus illorum; vt & vosmetipsos pascere, & aliis spiritualis vita præbere valeatis decus.

Quod in laicis laus esse videtur, id est, vestimentorum cultus, hoc in clericis, & maximè in monachis, reprehensum esse cognoscitur. Sed ipse princeps Apostolorum, etiam feminas à precipuis vestimentis, & circulatis capillis prohibuit. Si hoc peccatum non esset, dicit GREGORIUS Papa, nunquam pastor Ecclesiæ, à delicijs vestium feminas prohibuisset. Omnia vestra honestè, cum ordine fiât: vt laudetur DEVS in vestra bona conuersatione & honor vester apud homines crescat, & merces meritorum multiplicetur apud DEVM.

Breue est præsentis vitæ tempus, & vltima dies vnicui-
 que

2. Tim. 2.

que incerta, & cito rapimur ad iudicium. Qualis quisque tunc cupiat esse, talem se nunc tota virtute exhibeat. Si quid peccati, pro fragilitate carnis commiserit, abluat confessione, debeat poenitentia; ne damnetur in poena; sed coronetur in gloria. Habetis sanctos patres, qui vos genuerunt, adiutores; si illorum praeceptorum eritis factores. sed & angelicæ dignitates, & omnium Sanctorum agmina congaudent bonis vestris: desiderant vos socios habere suæ beatitudinis: imò & ipse DEVS, qui vult omnes homines saluos fieri, vobis æterni regni præparatam habet gloriam.

Nolite vos propter desidiam animi, vel carnales delectationes æternis fraudare bonis: sed magis omni studio intendite, vt Dominum hîc habeatis defensorum; illîc, remuneratorem. Obsecro, vt pietas vestra placidè perlegat, quod charitas nostra deuotè conscripsit. Meæ quoque paruitatis vt memores sitis in sanctis orationibus vestris, per charitatis almitatem obtestor, vt familiaritatem, quam donastis mihi, inuiolabili fide custodire recordamini.

EPISTOLA XXIV.

Sanctissimæ congregationis, & dilectissimæ
dilectionis Eboracensis Ecclesiæ
fratribus.

EIVSDEM PIÆ MATRIS FILIVS AL-
cbuinus diaconus perpetui honoris in Christo
pacem, & salutem.

Venerabiles vestre dilectionis ab ENBALDO presbytero accepi literas. quarum pacificam inscriptionis seriè, idem ipse, qui portauit, mellifluis salutationis verbis valdè amplificauit: referens à vobis fraterni amoris, per-

REGAN
SII
om, m,
SIV
24